



DISPUT

ETRE AR MARO HAC AN DEN YAOUANQ

Ar Maro.

Cete me èru, va mignon,
Da ober dit renta rêson
Demeus da vue tremenet,
Seuis eo Doue ous da velet.

An den Yaouanq.

Autro Done, piou eo emân
A zo deut quen dizonj amân?
Ma speret a zo oll troublet
Gaut epouvant eus e glevet.

Ar Maro.

Petra lavares, va mignon?
Lez da spont ha cont da rêson
Ha na vouies-te get ervad
E teujen abred pe divezad?

An Den Yaouanq.

Allas! sivoas, ne vouien quiet
E tleac'h donet qen abret;
Me zonje din, pa voau dispos,
Ne varvjen, qen e vijen còs.

Ar Maro.

Mes alies e poa clêvet
Ne meus biscoas den espernet,
Hac e tleân an oll falc'had,
Còs ha yaouanq eus a beb oad.

An Den Yaouanq.

Allas! sivoas, en joa ar bed
E vòa ma speret occupet:
Em yaouanquis voà va fianç,
Hac em mignon va esperanç.

Ar Maro.

Penos den sot hac aheurtet,
Ne voas-te get avertisset
Da reformi da voal vue,
Pa ne voas quiet sur a un de?

An Den Yaouanq.

Allas! me vel on faziet;
Mar plij ganêc'h choas, deportet
Roit din c'hoas termen,
Ma rin quiet mervel pinijen.

Ar Maro.

Penos e fel dide ober
Pinijen en qen ber amzer,
Pa ne c'heus gret bete vréman.
Ha te pell zo var ar bed-man ?

An Den Yaouanq.

Me bromet dec'h a dra certain,
E rin prontamant pinijen
Da repari ma yaouanquis.
Ma roit din termen eur mis.

Ar Maro.

Avoalc'h eus bet a amser,
Ma carjes ober da zevel ;
Mes alles pelloc'h appel :
Eru an heur ret é mervel.

An Den Yaouanq.

Pe n'en dé qet ho polante
Va lezel quiet-se en bue.
Ma plij ganec'h, da vianan,
Un devez c'hoas a c'houlenan.

Ar Maro.

Harça ! bremâ paciantet :
Eru an heur, ret é monet ;
Rac-se-ta, sonj es coall vue,
Ret é monet dirac Doue.

An Den Yaouanq.

Penos eta, mervel so ret
A greiz va nerz ha va yec'hel !
Penos quittat va desseniou,
Va joa, va c'herent, va madou ?

Ar Maro.

Diveat out bremâ da vouela,
Homan é da heur divea :
E zan da rêi did an tol marvel ;
En heur-mâ e renques mervel.

An Den Yaouanq.

E C'HOULEN SICOUR DIGANT E
GUERENT HA MIGNONET.

O va c'herent ha mignonet,
E han Doue, va zikouret :
Scoet oun gantan d'ar maro :
Deut d'am zicour, hastit afo.

Ar Guerent hac ar Mignonet.

Evit bremâ ne allomp qet,
Beza hon eus ar affer bresset ;
Pa retorbimp, ni a velo,
N'oc'h eus qet a fêçon maro.

Ar Maro.

Güel, den zot ha den aheurtet,
Petra respont da vignonet !

Anzao breman den divis,
Peguer tromplus é yaouanquis !

An Den Yaouanq.

Güir a larit, me zo tromplet
Gant yaouanquis ha mignonet :
Breman me ro dé mil mallos ;
D'am oll malheur e zint bet caus.

An Den Yaouanq.

E C'HOULEN SICOUR DIGANT DOUE
HAC AR VERC'HEZ.

Me ho suppli, ô va Jesus !
Ha c'hoi, Güerc'hez, Mam druezus,
Me ho ped dre o madelez,
D'am zicour c'hoas, me pec'herqez.

An Aulro Doue.

Penos en teus an assuranc,
Da c'houlén ouzomp asistanç ?
Bepret out bet hon adversour ;
Petra ve demp-ni da zicour.

An Den Yaouanq.

E C'HOULEN SICOUR DIGANT AR ZENT.

O Zent, mignonet da Zoue,
Ho ped truez ous va ene !
Gant an oll oun abandonnet ;
En han' Doue va zicouret,

Ar Zent.

Penos ec'h eus an hardisson
Da c'houlén hor protection !
Ne c'heus qet miret hor goueliou
Nac imitet hon vertuziou.

An Den Yaouanq.

E C'HOULEN SICOUR DIGANT E
ÆL-MAD.

O va Æl-mad ! ô va den qer !
Var gardien en ped amzer,
M'ho ped, va sicourit brema
Em necessite diveza.

An Æl.

Quement a ellen a meus grét :
Bete vremen en da andret ;
Poent e zeo din d'abandoni,
Pa ne teus qet sentet ouzin.

An Den Yaouanq.

Me vel ervad é tremenet
Va amzer da veza sicouret ;
Bebet a meus en libertin,
Doue a rent justiq erfin.

Em maro em diles Doue,
Pa 'm boa 'n dilezet em bue ;
Resistet meus d'e oll graçou
Hac em refus em goulennou.

An Den Yaouanq.

E QUITAD HE GUERENT HAG HE
VIGNONET.

Dilesett ouñ en abandandon ;
N'en deus mui evidon pardon.
Adieu, qerent ha mignonet,
Adieu, bed fall ha miliguet.

An Den Yaouanq.

E QUITAT JOAUSDET AR BED-MAN.

Adieu, grandeur ha bombançon,
Enoriou vén ha triomphou ;

Adieu d'an traou eus an douar ;
Adieu d'an êe, adieu d'he c'hloar.

Mallos d'ar vam, mallos d'an tad
A zo bet ouzin quen ingrat,
M'o deus grêt din coll va ene,
D'am beza lezet em liberte.

E zan da aeza entéret
En ifern gant an dud daonet,
Da lesqui ebars er flammou,
Da james gant an diaoulou.

Ha possabl ve, ô va Doue,
E serfoc'h ouzomp dor an êe !
Obtenit demp, ô va Zalver ?
Eur plaç en ho cloar eternal.



(Propriété.)

Lanhuon, en ty intañvez Ar Goffic.